

Mohd Amirul Kasyful Nur bin Zulkifli

From: UUM CORPORATE COMM.
Sent: 12 Julai 2021 12:25
To: UUM - All Staff; UUM - All Students
Subject: Ahli Akademik SAPSP Perlu Jadi 'Profesor Rakyat'




UUM Corporate Comm.
Universiti Utara Malaysia

12 JULAI 2021 / 2 ZULHIJAH 1442H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohammad Faizal Azid@Aziz
Gambar oleh: SAPSP

AHLI AKADEMIK SAPSP PERLU JADI 'PROFESOR RAKYAT'



UUM ONLINE: Ahli akademik Pusat Pengajian Psikologi Gunaan, Dasar dan Kerja Sosial (SAPSP) perlu menjadi 'Profesor Rakyat' yang berfungsi sebagai agen perubahan masyarakat melalui ilmu yang diperolehi menerusi penyelidikan dan penerbitan.

Timbalan Naib Canselor (Penyelidikan dan Inovasi), Prof. Dr. Haim Hilman Abdullah berkata demikian ketika mengadakan pertemuan bersama warga kerja SAPSP menerusi Webex, baru-baru ini.

Beliau berkata, peranan tersebut lebih signifikan pada masa kini terutamanya dalam membantu masyarakat menghadapi kesan Pandemik COVID-19. Perubahan norma kehidupan mengakibatkan masyarakat menghadapi masalah tekanan hidup dan kemurungan dan seterusnya boleh mengakibatkan kehilangan nyawa jika tidak ditangani dengan bijaksana.

Melalui perjumpaan itu juga, beliau berkongsi tentang Gagasan Akademia dan Admin Holistik (GAGAH) UUM 2021-2025 yang akan memacu Pelan Strategik UUM khususnya untuk Teras 2 – Kecemerlangan Penyelidikan dan Teras 3 – Kelestarian Kerjasama Industri dan Komuniti.

Menurutnya, beliau berharap seluruh warga SAPSP akan terlibat dalam usaha merealisasikan 'Research, Publication, & Innovation Drive (RAPID) Initiative' yang menjadi tulang belakang kepada KPI dan PI Teras 2.

"Secara khususnya inisiatif ini terbahagi kepada empat bahagian iaitu penyelidikan (RAPID 1), penerbitan (RAPID 2), inovasi @ harta intelek (RAPID 3) dan perundingan (RAPID 4).

"Saya juga mencadangkan SAPSP untuk mewujudkan tabung amanah sebagai salah satu cara untuk menggalakkan aktiviti penyelidikan, penerbitan dan inovasi, di samping mencari dana bagi merencanakan lagi aktiviti perundingan bersama pihak industri dan komuniti," katanya.

Pada masa sama, Prof. Dr. Haim Hilman berdoa agar pandemik Covid-19 dapat pulih segera dan keadaan menjadi seperti sedia kala.

Sementara itu, Dekan SAPSP, Prof. Madya Dr. Abdul Razak Abd Manaf berkata, SAPSP akan menjadikan amanat yang disampaikan itu sebagai panduan bagi memacu usaha dalam melestarikan masyarakat serta membudayakan kecemerlangan UUM sebagai sebuah gedung ilmu yang dihormati dan tersohor di persada tempatan dan antarabangsa.





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.